

Date – 22/03/2026
Time - 7:30 -7:40 Hrs
AKASHVANI AIZAWL

REGIONAL NEWS BULLETIN

HEADLINES (MORNING)

1. Doordarshan Indigenouse Games & Cultural Festival 2026 chu nimin khan a hmawr bawk a ni.
2. Down Syndrome Day 2026 chu nimin khan khawvel pumah hman a ni a, Mizoramah pawh an mahni duhsak tute leh hmangaihtute chuan he ni hian an tan duhsakna chibai an buk a ni.
3. Tuisumpui lui a Bailey Bridge (TDR) 170 ft a sei chu tangkai tak leh hlawk taka hman turin nimin khan Chief Engineer (Road) Pu David Sapzova'n a hawng.
4. Bharat Electricity Summit 2026-ah Japanese company pakhat chuan Haryana-ah cheng vaibelchhe nuai 4 vel invest a duh thu a sawi.

<><><>

DD INDIGENOUSE GAMES

Doordarshan Indigenouse Games & Cultural Festival 2026 chu nimin khan a hmawr bawk a ni.

DD Aizawl leh Mizoram Indigenouse Association General Headquarters Aizawl te tang kawp buatsaih, Ramhlun Sports Complex-a neihah hian Mizo infiamna hrang hrang hmanga in el-na hun-ah hian Infiamna chi hrang hrang 9, Insuknawr, Inbuan, Insuknawr Tangho, Invawr, Kawikah, In-Arpsual, kalchhet kal tangho, insaihrupawh leh Kalchhet kal mimal te hmang a inelna neih a ni a, Mizo Infiamna te tihmasawn tur leh chawisang turin vawi eng emaw Mizo Infiamna kut an lo buatsaih tawh thin a ni.

Doordarshan Indigenouse Games & Cultural Festival 2026-ah hian infiam mi 352 tel in heng zing a 126 chu hmeichhia niin, mipa 226 an tel a. Aizawl huam chhung veng 13 bakah Aizawl pawn khua 12 leh India ram pawn Poland atangin infiam mi 1 a tel bawk.

<><><>

DOWN SYNDROME DAY

Down Syndrome Day 2026 chu nimin khan khawvel pumah hman a ni a, Mizoramah pawh an mahni duhsak tute leh hmangaihtute chuan he ni hian an tan duhsakna chibai an buk a ni.

Mizoram Chief Minister Pu Lalduhoma pawhin Down Syndrome Day pual hian social media kaltlangin Down Syndrome te leh hmangaih taka anmahni enkawltute zawng zawng chibai a buk a. An tana theihtawp chhuah reng thin Mizoram Down Syndrome Association chungah lawmthu a sawi a. Down Syndrome te hian kaihruitu leh zirtirtu tha an neih phawt chuan engkim an ti ve thei vek a, duat takin i enkawl zel ang u, a ti a ni.

Social Welfare Minister Pi Lalrinpuii pawhin World Down Syndrome Day pualin Mizorama Down Syndrome te chibai a buk a, hun hlimawm tak hmang turin duhsakna a hlan.

Synod Moderator Rev. John Raldosanga chuan Mizote chuan mahni chhungkua leh chhehvelah down syndrome awmte chu hmusit leh endawng mai lovin, an mahnni ngaihsaka, anmahniah Pathian ropuina puanchhuahna atan hman theih a ni tih hriaa, down syndrome zawng zawngte dinhmun ngaihtuah chungin kohhran te pawhin rawngbawlina amahni lama huang zauh zel a pawimawh a ti a. An tih theih loh ringawt hriat sak lova an theihna pawh hriat saka chanvo pek te pawh a ngai tih a sawi a ni.

<><><>

TUISUMPUI BAILEY BRIDGE INAUGURATED

Tuisumpui lui a Bailey Bridge (TDR) 170 ft a sei chu tangkai tak leh hlawk taka hman turin nimin khan Chief Engineer (Road) Pu David Sapzova'n a hawng.

He kawng hi Siaha District khawpui Siaha leh Tipi Ferry, PMGSY Road pawimawh tak Saiha-Rawmibawk Road a awm a ni. Riasika, Amotlah leh Thiahra khua te thlunzawmtu leh District dangte nen a in kal pawhna pawimawh tak a ni bawk a ni. Tuisumpui lui a Bridge awm loh avang hian furpui chhung zawngin tui lian avangin mihring leh lirthei hmangin Tipi Ferry, Riasika, Amotlah leh Thiahra khua te hi tlawh pawh hleih theih lovin an awm thin a. Chuvangin, Tuisumpui lui ah hian Tipi Ferry khawtlang leh a chhehvel khua ten harsa tak chungin Seasonal bridge (timber bridge) kum tin an dawh thin a. Hetiang Seasonal bridge hian lirthei load sang a dawl zawh tawk loh bakah a him tawk lovin a rintlak tak tak lo a ni.

Harsatna hrang hrang te sukian turin kum 2023 atang khan Tuisumpui lui a Bridge dawh hi hmalak tan a ni a. FY2023-24 ah Bridge Abutment (Sub-structure) siam nan SASCI atangin cheng nuai 150 hmuh a ni a. He hna thawk tur hian contractor atan Pu Lalparmawia, Hlimen, Aizawl thlan a ni. Bridge Abutment hi ni 20.10.2023 ah hnathawh tan niin, ni 31.03.2025 khan thawh zawh a ni a. SASCI 2023-24 atang hian Bridge Abutment chauh siam a ni a. PWD hotu te hmalak na zarah bridge super structure, Bailey Bridge (TDR) siam nan FY 2024-25 ah (Roads & Bridges) hnuaiiah Mizoram Sorkar (State Sorkar) atangin cheng nuai 250 sanction hmuh a ni.

He Bailey Bridge (TDR) siam tur hian Supplier leh Erection leh Launching titel turin Essen Fabricators Pvt.Ltd., Kharagpur, West Bengal thlan a ni a. Nikum October Ni 1 ah hna thawh tan niin ni thla hmasa ni 23 khan lei dawh hna hi thawh zawh a ni.

Tuisumpui Lei dawh a nih tak avang hian heng khaw pali, Tipi Ferry, Riasikah, Amotla leh Thiahra te bakah Siaha District mipui tan pawh awlsam zawka zin veivah theih a ni dawn a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihtlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.



WORLD FORESTRY DAY

World Forestry Day chu nimin khan Thenzawl DFO Dr R Lalnungrenga hovin JNV Thenzawlah hman a ni.

International Day of Forests (World Forestry Day) hi kum tin March ni 21-ah hman thin a ni a. Kumin pawh hian Thenzawl Forest Division hnuaiiah he ni hi JNV Thenzawlah hman niin, Thenzawl Forest Division staff leh JNV school naupangte leh faculty ten he hun hi an hmang.

Thenzawl DFO Dr R. Lalnungrenga chuan, kan chhehvela Pathian thilsiamte nena inrem taka awm ho dan kan zir a tul thu te, tui thianghlim in tur kan neih reng theih nan kan ramngaw te kan venhim a tul zia zirtirna te a nei a. He kan ram hi mihringte chauh chenna tura Pathian siam a ni lo a, inngeih tlang taka thilsiam dangte nena chengho tura siam kan ni, a ti.

Thenzawl RO Pu Zirtluanga Hnamte pawhin, kumin World Forestry Day thupui “Forests and Economics” a nih ang takin kan ramngaw hi kan economy ti thangtu atan i hmang ang u, a ti a. JNV Principal Pu Anish P pawhin environment humhalh a pawimawhzia a sawi a ni.



FREE BOOK

Aizawla Electric Veng Branch YMA hnuaiia Literature & Education Sub-Committee hmalaknain an vengah Lehkhabu a thlawnin sem a ni.

Nimin khan Lehkhabute hi Sakawrpuluiah pho chhuah a ni a, veng chhung leh veng pawn atangin mi eng emaw zatin zirlaibu hi an la a ni.

Zirlaibu hman hlui te hi zirlai ten kar kalta chung khan Electric Branch YMA hnuaiia section hruaitu te hnenah an pe khawm a, chung zirlaibute chu an thlawnin a mamawh tute hnenah YMA chuan a sem chhuak leh ta a ni, kum 2024 leh 2025 kha hetiang tho hian a thlawnin Lehkhabu hi hlawhtling takin an lo sem chhuak tawh bawk a ni.



Haryana Investment

Bharat Electricity Summit 2026-ah Japanese company pakhat chuan Haryana-ah cheng vaibelchhe nuai 4 vel invest a duh thu a sawi. Summit neih chung hian Japanese company TDK Corporation palaite chuan Haryana Chief Minister Nayab Singh Saini bakah Union Minister for Power, Housing and Urban Affairs Manohar Lal nen an inkawm a ni.

Palaite chuan Haryana-ah plant thar din nan cheng vaibelchhe nuai 4 vel invest an tum thu an sawi. Company hian state chhungah Battery Energy Storage System (BESS) unit din a tum a ni. TDK Corporation hian Haryana a Sohna-ah acre 180-a zauah pawh hmun din tawh an nei a ni.

